

## AHMAD A'ZAM

### MENI ISTAGAN SHE'RIYAT

#### *Taassurot*

Faxriyor, Abduvali Qutbiddin, Bahrom Rōzimhammadni keyingi paytlari kōp oqiyman, ularning nima demoqchi kanini tōliġicha tushunaman desam, uydirma bōlar, lekin ta'sirlanaman, mutolaada xayolim ochilib, boshqa, notanish tomonlarga, qandaydir ishora makonlarga ketib qoladi, konglim boshqa bir dunyoga sayrga chiqqandek, boshqa bir o'lchamdagi mamlakatda yurgandek, bir oz taajjubda qarayman: nimalar ekan bu deb. Shu ta'sir, fikrimni mehvaridan chiqarib, tasavvurimni o'zga xiyobonlarda va o'zga biyobonlarda ham sayr qilishga yetaklagan ta'sir she'rning yangiligi quvvatidan bōlsa kerak. Tashbehma-tashbeh anglamagan holimda ham mubhamlikni o'zimga yaqin olib, ochib qarashga intilaman, tōġriroġi, she'rning o'zi shunga da'vat qiladi, faqat chorlamaydi, sōz kuchi bilan o'sha jozib sirlarga tortaveradi.

Abduvalining o'zimga eng tushunarli, hamma sōzi oydindek tort satrida tin olib kōraman:

*Qafasdagi bedana...*

*Chumchuqlar shoxlardan shoxlarga otarlar...*

*Olmani teshib chiqar qurt...*

*(osmon keng.)*

“Osmon keng” qōshtirnoqqa olinib, yana nuqta ham qōyilgan – osmonni tōsishmi, u tuynukdan kōrinyaptimi yo kenglikning kichik bir bōlagi – boġ ustidagi parchasiga ishorami? O'ylayman, bir toxtamga kela olmayman. Bedana qafasda, ha, bu sharq, sharq bedanasiz bōlmaydi; bedana faqat sharqda qafasda asraladi, chumchuqlar shoxdan shoxga sakraydi, qurt e sa olmani teshib chiqyapti – bu keng osmon ostida kop narsalar bōlyapti, uning baġriga hamma narsa – hayotning harakat suvratlari siġadi. Men bu tortlikni o'zimcha shunday anglay boshlayman. Bu anglashim tōliq emasligini, she'rda boshqa ishoralar borligini ham tuyib turaman. Menga bu manzarani qanday uqqanim muhim – ta'sirda shunday fikrlayapman, she'r oylashga, xayolimni tanish chegaralardan u yoġida izlanishga, kōrmaganimni kōrishga majbur qilyapti, balki shoir mutlaqo boshqa narsani nazarda tutgandir, lekin o'qiganda mening nimani oylaganim muhim, shoir yozgan

satrlar boshqa, mening anglaganim boshqa she'r, o'qiganim she'r endi meniki, shubhalarni yigishtirib qoyaman, tuymaganimni mezon qilib olmayman:

*Qafasdagi yurak...*

*Simobday yugurik lahzalar...*

*Ochlar toqlar toldirgan ma'vo...*

*(Olam keng.)*

Endi har bir satrni ko'z ongimga keltirib, o'zimdagi manzaraga aylantiraman, qafasdagi yurakni ko'raman, yo'q, nimaga u qafasda deb, uni xalos qilishga cho'g'lanmayman, uni bor, borliq sifatida tushunib, xulosani ichimda qilaman; umr o'tyapti, o'tayotgan lahzalarni to'xtatib bo'lmaydi, lekin bu ochlar va toqlar toldirgan ma'voda, bari bir, qafasda yurak, boya yurak qafasda edi, yana olam keng. Yuragim qafasdan chiqqandek bo'ladi. Balki shoir ko'nglimga teskari fikr aytayotgandir, lekin she'r kirayotgan bu ko'ngil meniki - men o'z she'rimni o'qiyapman, uni qayoqqa burib fikrlash ham izmimda. Shoir fikrimga zu'gum otkaza olmaydi, otkazishga harakat qilgani ham yo'q, u darichalar ochib, bu darichalardan qayoqlarga qarash ixtiyorini o'zimga beryapti.

Turkumdagi shu she'rning oxirgi to'rt satrida shoirning fikriga yaqin kelgandek bo'laman:

*Qafasdagi umid...*

*Qopqonni g'ajiyotgan bori...*

*Tuyo'g'idan qon va nur oqizgan kiyik...*

*(Alam keng.)*

Dunyo qanchalar keng bo'lsa, alamning ko'lami ham shunchalar; kushanda bori ham qopqonda, o'zini qurbon qilish evaziga najotga intilyapti, sayd kiyik ham o'lim bilan osmon orali'g'ida. Bandlarning ko'shtirnoqqa olinmagan barcha satrlari uch nuqta - davomiylikka ishora bilan tugagan, tortinchi satrlar cheklangan tashbehlar, oylab olishga nafas rostlash uchun. Ana shu to'xtamdan keyin turkumdagi dunyo kengligi va bu kenglik tagida nimalar kechayotgani ko'nglingizda anglashingizga qarab aks-sado bo'ladi.

Shoir umuman hech bir narsani uqdirmoqchi emasdek, u fikrga chizgilar tashlayapti, xolos, meni ta'sirlantirish uchun. Chizgi she'r tamsillari faol tasavvurlar uy'gotadi. Men o'zimga to'g'ri tushunyapman, bu satrlardan kelib chiqadigan she'rni o'qiganda men uni yozyapman.

Bahromning duch kelgan she'rini o'qiyman:

*Qurbaqa kelin hovuzning tinch joyiga  
Ikki-uchta qizil yaproq toshab qoyadi  
Suv ostidagi yaltiroq toshning  
Nuri bilan tozalaydi yaproqlarini  
Bedana sayroğini supurgi qilib  
Supurib chiqadi suv betini*

Tinish belgilari yoq, she'r toxtamsiz davomiy, oqib oylayman, oyimni tushunib olay deb, ozim toxtam qilyapman. Bu tanish, jon manzara zamirida nimalar bu? Qurbaqaning hovuzning tinch joyiga qizil yaproq toshashi... hovuzning tinch joyi, qizil yaproq, taġin bu yaproqlarni suv ostidagi yaltiroq tosh nuri bilan tozalaydi, bu hovuzda aks etgan quyoshdir, balki... Bedana sayroğini supurgi qilib – bu ham manzara-tashbeh, ham manzara – timsol. Balki bilmayotgandirman, lekin bilmagan holimda nimaga tasavvurimni jonlantirib yuboryapti, qandaydir yaqin, toġriroġi, tanishga oxshagan ohanrabo boyoqlar bilan sirlangan tuyġularga jalb qilyapti?

Tabiat baġriga chiqqanda kozingiz quvnasa, koigan manzarangizni tushunishga urinmaysiz-ku. Tushundim deganingiz ham tabiatga mezon emas, uni ozgartirmaydi. Siz uchun muhimi va keragi uning ta'siri: yengil shabada, yoqimli iforlar, qushlar sayroġi, moviy osmon, u hatto moviy bo'lmasligi ham mumkin, bulutli bo'lsa ham, undan zavq topa olasiz, undan fikr axtarmaysiz, fikr ozingizda uyġonadi. Tabiat sizni uyġotadi, she'r ham shunday. Modern, shu atamaga ozim uncha qoshilolmayman, mayli, urf atama bo'ldi, she'rni tushunishga urinsangiz, aniq-taniq konikma tushunchalar bermaydi, uni oqib, xayolingizni ozigga qoyib bering, dunyosini ozi yaratadi – sizga kerakli, siz anglaydigan dunyoni.

*REKLAMA olmaga asalari qonmoqda  
Daraxt tanasiga tushgan qurt gapiradi  
Endi asalarilarning zamoni  
Asalarilar jamiyatga ziyon yetkazmaydilar  
Asalari qonadigan olmalarni xarid qiling*

Yana tinish belgilari yoq, men oylashda davom qilaman, nimalarnidir izlayapman, koirmagan narsalarimni paypaslab, ko'z oldimga keltiryapman, nimaligini bilmaganim tuyġular qayoqqadir otib kelyapti.

Bahrom biz qaramagan chumolini xayolan qoliga olib, turli tomonidan qarab ko'radi, yana xayolan: mabodo odam emasmi bu, sher bo'lsa-chi, birdan yuragimga changal ursami, uning hayqiriġidan yeru ko'k larzaga tushar edimi, men bu chumoli muhabbatiga arziymanmi... Shu tariqa uni har ko'ygga solib, oylab qaraydi, ya'ni bizni oylatadi, chumoliga har tarafdin baho berishga, uni turli olchamlarda ko'rishga undaydi, bir mo'jaz jonzot misolida qanday yashayotganimizni idrok

qilishga chorlaydi, sodda bir bilgilari bilan, o'zi ham ajablangan bo'lib bizni ajablantiradi....

Misol keltirayotganim shoirlar keyingi yigirma yillikda shakllangan katta bir she'riyat oqimining yetakchi vakillari, bu yangi oqimda nomi unda-bunda tilga olinib, matbuot va kitob savdosi sabab, keng kitobxonlar ommasining o'z shoiriga aylanishi qiyin kechayotgan Aziz Said, Xayrulla Fayz, Shamshod Abdullaev (milliy motivlarda ruscha yozadi) G'ozal Begim, Rauf Subhon, Bektemir Pirnafasov, Oydinniso kabi oldi ellikka borgan, keyingilari ottizni urgan yana bir qator ijodkorlarimiz bor, yanada yoshlari yetishib kelyapti – ular, shubhasiz, dunyoga yangicha qarash, ramz, timsol, tamsillar orqali uning ko'rinmagan manzaralarini ko'rsatish, badiiy tafakkurning xos o'zanlarini ochish bilan umuman adabiyotimiz kelajagining o'zgachalik poydevorini tiklagan so'z shaydolari...

Men bu she'riyatni chanqab o'qiyman. U fikrimning qurib qotgan, qaqroq zaminiga tomchilaydi, singishi qiyin; namlik berishi, gul undirishi mumkin bo'lgan tomchilar, qat'iy, o'jar uygonish azobidan rohat beradigan undovlar.

Menga u yangi, o'qib qiynalaman, nimalarnidir ko'rayotgandek, nimalarnidir yaxshi paypaslayotgandek bo'laman, g'ozal bir tasmollar ichida qolaman, aniq kora olmasam-da, g'ozalligi dilimga inadi.

Bu yangi avlod, bu yangi fikr – menga tasmolligi ham bor gap, chunki men eski o'lchamlar bilan chamalab ko'ryapman, mening qarichim bu manzarani o'lchashga mos emas. Ayni paytda ko'nglim talabida o'zim ko'nikkan manzarani sorash ham bor.

*Tobora husniga husn qo'shilib  
Tobora ochilib bormoqda bu gul –  
Billur guldondagi gul  
(Boltaboy Bekmatov)*

Mushohada chegaralarini o'zgartirish, buzish. Bu tafakkur shu paytgacha urfda bo'lib kelayotgan shakllardan chiqqan, ayni choqda unga siqmaydi. Yoq, bu yoshlarda an'anani inkor qilish, o'z yangiligini majburlab tiqishtirishga urinish emas, ularga kelgan yangi fikr oldingi o'zanlardan toshib, qirgoqlarini kengaytiriyapti va... yangi vohalar yaratmoqchi.

*Erk esa qafasga ko'nikmas, g'olib –  
Bir qushki, boshingga qonolmay halak  
(Boltaboy Bekmatov)*

Bu taxlit she'riyatda shu erk tajassum, sۆzning ozod mas'ulligi mavjud: har bir tashbeh, har bir isloh, har bir ifoda toxtab, ۆz ustida ۆylab olishga undaydi. Bu esa, tabiiyki, yangi she'rxonni tarbiyalab yetishtirishga olib keladi.

Mazkur she'riyat avlodining katta fazilati - juda kop mutolaa qiladi, dunyo adabiyotining buguni bilan birga ۆz adabiyotimizning kechasini ۆqib ۆrganib, ۆz tajribasidan otkazadi. Ular ayni tajribadan otkazib yozgan she'r, unutmaylik, ona tilimizda voqe boladi, toğriroği, bu voqelikning davomi. Til ruhida kecha, bugun ertaning boğlanishlari – bu toxtamaydigan oqim, uzluksiz, uzilishsiz jarayon, she'r ۆqiyotgan odamning taassurotida shu azaliy harakatning yorishib korinishi.

Men eski, konservativ she'rxon holimda yangi she'rni berilib ۆqiyman va ۆzimdan shubhaga boraman: menga yaxshi ta'sir qilyaptimi, demak, bugunning she'rini ۆqiyman, yangilanayotgan ۆquvchiman.

Eskidan kelayotgan ۆquvchi.  
Behad sevadigan she'rim.

*Kozing ne balo, qaro bolubtur,  
Kim jonğa qaro balo bolubtur....*

“Ashraqat min aksi shamsil ka'si anvorul hudo, yor aksin mayda kor deb jomdin chiqdi sado” kabi har jihatdan muazzam ma'no va ohang tajassumi bolmish minglab satrlarini yaratgan buyuk shoir shu yuksak martabasi bilan yosh bir yigitning baytini sorab olib, unga tatabbu boğlagan. Nimalar sehri bor bu bir baytning? Xop, tardi aks san'ati qollangan, buni ۆqiganmiz, tushunamiz, lekin tushunchamizdan juda keng ma'voga tortib ketadi, bu nimadan? Til – Sۆz san'ati, ğazal san'ati keladi bizgacha tarixlarni oralab.

“Ashraqat...” arab lahjasini bilmagan odamni ham uyğotib, uning ruhini yuksaklarga kotarib ketadi. Saharlari padarim aytgan azon bilan uyğonganman, bolaman, azon ma'nosini sۆzma-sۆz bilmayman, mazmuni kotarinki, baland ruh bolib kirgan vujudimga: tur, tur, qara, dunyo uyğondi, dunyoga kozingni och, balandlab qara, deyayotgandek bolgan. Ertalabki qishloq ğovuri, uchi kokka sanchilib, shavabada gilgan tol bilan shivirlab sollanayotgan teraklar, kok chodir pinib olgan tutlarning vazmin barg silaishlari azon ruhi bilan tafakkurning uluğvor suvratini chizadi, tuyğularning muazzam harakati yuzaga chiqdi. Navoiy ijodi shuning uchun ham kongillarni yaratuvchi, tuyğular olamini yaratuvchi hilqat.

*Kozing ne balo qaro bolubtur,  
Kim jonğa qaro balo bolubtur -*

shu xilqatga mos tushgan, uning kengliklarini mo'jaz ifodalab, katta kuyning ilk pardasidek, va'da bilan jaranglaydi, bayt zamiridan boshqa ma'no izlash shart emas, u oydin, kongilda gul undiradigan haroratli ravshan, lekin ohangi bobomizni boshqa ma'nolarga, yanada ulug'vor kuylar o'gushiga tortib ketgan.

Bir juda katta kongil kuyining boshlan'gichi, kuyni tinglaysiz, kuyni tinglab, o'z oylaringiz tomon qanot chiqarasiz, kuyning o'zini esa so'z bilan izohlashga hojat yo'q.

Men tuyg'ulari eski, fikrlashi konikma tolib Navoiy g'azallarini qon-qonimga singib kelayotgan ruh bilan o'qiyman.

Men konikkan she'riyat kongil rasmini iloj qadar toliq qalamga oladi, modern esa kongil manzarasini faqat chizgilab otadi, shartlarga imolaydi, tuyg'ularga ishoralaydi, ulardan o'zingiz ma'no yaratasiz. Ha, yaratasiz. Faol ijodkorga aylanasis. Bu eskiga qarshi yangilik emas, o'sha eskining zamirida yotgan, endi ochilayotgan, siz ochayotgan an'ana. Bu an'anaga shoir ataylab amal qilolmaydi yoki yangicha tafakkur da'vosi uni inkor ham eta olmaydi. An'ana, an'analar deylik, bu – she'r tarbiyasi bilan kirgan til ohanglari, o'zbek tilida she'r yozgan odam quvvatni shu tilda yaratilgan jami she'riyatdan oladi. Gap u yoki bu ustozimizga ergashishda, aniq bir davr yoki yonalishdan quvvatlanishdagina emas, tafakkurimizdagi she'riyatning jamuljam ta'sirotida.

Menga shuning uchun bog'lanmaydigan bog'lanishlar bog'lanadigandek tuyulaveradi. Navoiyga oshufta konglimda Hamid Olimjonning:

*Derazamning oldida bir tup  
Orik oppoq bo'lib gulladi...*

satrlarini ulug' ajdodimiz g'azaliga bog'lab, o'zim uchun yaqinlik topaman. Bu satrlarda ham derazadan qaragan bir tup oppoq gullagan orikdan boshqa bahorning yana nimadir mehrlari, hayotning nimadir azaliy ohanglari bordirki, bolaligimdan beri menga hamrohlik qiladi.

Bugungi naqiron she'riyatda Navoiy, Hamid Olimjonlarga borib tutashadigan shunday bir muazzam kuyni ko'raman, to'g'rirogi, shu kuyning ichiga o'zim ham kirib qolgandek bo'lib yuraman. Shu kuyning ichida, masalan, Faxriyorning undan uzilmagan holda alohida jaranglab turgan ohanglarini shitaman. Chunki bularning hammasi mening she'rga tolib konglimda bo'ladi.

Faxriyorga alohida toxtalish kerak – yangicha izlanishlar teran anglangan, ayon bir tamoyil sifatida ayni bugungi izlanishlar manzarasini namoyon qilgani holda she'r madaniyatini puxta o'zlashtirgan va bunda kamtar adib.

Faxriyor an'anaviy she'r shakli ravishlarini yaxshi o'zlashtirgan, ruhiyatiga, sayqaliga yetgan milliy ohanglarni chuqur his qilgan holda ayricha tafakkur ifodalari, aniq-taniq tashbehlardan majoz yaratadi. Shu ma'noda u o'z yo'li, o'z fikrlash tarzini oydin yaratgan shoir; bu oydinlikda uzoqlar ko'rinadi, tikilib qaraganda yangi fikr manzaralari boy korsatadi. Yana o'zim ishlatgan misollarga qaytsam, masalan, “Yurak erkka ixtisoslashgan” satri “Umuman roy bermas voqea, Roy berguchi menman umuman, Meni izlab yurar mohiyat” Faxriyorning po tik dasturiga izohdek tuyuladi. Birinchi satrda hijo harakati, xuddi ot jilovini tortib, tartibli yugurishga himo bergandek, majburan cheklanadi: “yurak erkka” – ohang sinadi; “ixtisoslashgan” esa odamni sergak torttiradi: yurakning urishida erkka intilish majburiyati bir qismat. Bu satr his-hayajonga berilmay, sovuqqon oylashga undaydi. Yana modern she'riyatdagi majoz unsurlari misoliga qaytsak, keyingi uch satr bunga yaxshi semiotik sharh. Voqea roy bermayapti, lekin bo'lyapti, o'qigan odam uni she'rdan, tashqaridan axtarishi kerak emas, o'zini izlasin, uning o'zi mohiyat. She'rdagi mohiyat shuurda ochiladi, gullaydi, chaman bo'ladi. Tuygu ohanglari ham nihoyat fikr namlagan ilgarigi quruq yerda unib, osib chiqqan o'gochlarda, chalinayotgan kuyga uyushadi. Bu ma'noda uning “Geometrik bahor”i she'riyatimizda tubdan yangilik bo'lgan chindan-da shakl simfoniyasidir. Bu ham, eng avvalo, shoirning o'zigacha bo'lgan, o'zi tarbiyasini ko'rgan she'r san'ati an'alarini puxta o'zlashtirgan holda shu muayyan chegaralarni o'zgartira olgan jasoratidan.

Faxriyor, hali ko'p organiladigan, atrofida bahsu munozaralar qopayib boradigan iste'dod, o'zligini saqlagani holda bugungi poetik tafakkur izlanishlari ju'grofiyasini ham shakliy, ham mazmunan qamrab olgan ko'lamlı shoir.

Yuksak she'riyat xos o'quvchilarning mulkiga aylanib boryapti, to'g'ri ma'noda badiiy tafakkur yangi she'r kengliklariga chiqyapti, chiqdi ham; “modern she'riyat” deb ur'gulash ham bugungi bozor sharoitida uning alohidaligini ko'rsatish, unga ko'proq e'tibor qaratishga urinish. Lekin bu modern qayerdandir kelib qolgani yoki kimlardir ataylab olib kirayotgani yo'q. U o'z an'alarimiz, mavjud tajribalarimizdan kelib chiqyapti va she'rxonning muayyan qatlamlaridan oldinga ketyapti, binobarin, ayni badiiy tafakkurning rivojlanish qonuniyatlaridan kelib chiqadi.

Albatta, dunyo ta'sirlari kirib kelib, fikrlash tarzimizni oy olcham-andazalarimizni o'zgartiryapti; yoshlarimizning poetik tafakkuri shu o'zgarishlar bosimi ostida ingroq bilan, qiynalib o'ziga yangi yo'l ochyapti. Yangilanish muayyan olchamlarga sig'maydi, o'z olchovlarini yaratadi, lekin mohiyatan bu o'sha adabiyot, bizni tarbiyalab o'ziga ko'niktirgan o'sha eskilikning tubdan davomi, biz ham – o'sha o'zimiz, binobarin, adabiyotning yangilanishi ruhiyatimizdagi o'zgarishlarning in'ikosi, shuning talabidan kelib chiqyapti. Dunyo adabiyoti ijodiy jarayoni tajribasi an'anadan qochish yoki uni inkor qilishni emas, balki yangilik yaratishda unga tayanishni orgatadi. Hatto an'analar inkor qilinganda ham, bu ambitsiya yoki yangi usul yoxud uslub tarqiboti, muayyan xartiya darajasida qoladi. Chunki badiiy ijod badiiy mushohada ifodasi – til bilan, an'ana shu tilning yangilanishiga singib ketgan, eng ilg'or novatorlik ham shu tilda maydonga tushadi, modern talabida uni she'riy nutq tarkibidan chiqarib tashlab bo'lmaydi.

Adabiy jarayonda oldingi katta to'ldin yetmishinchi yillar ortalarida portanalar hosil qilgan edi. Buyuk shoirimiz Rauf Parfi nafaqat qadimdan kelayotgan shakl va mohiyat chegarasida o'zgarishlar qilib, badiiy tafakkurga iztirobli isyonning erkinini olib kirib, unga gozal yangicha she'r namunalari darajasi martabasini berdi. U gozal shakllarini jahoniy iztiroblarga boshpana qilibgina qolmay, balki o'zidan keyin kelayotgan avlodning imkoniyat chegaralarini ochib berdi; aytish mumkinki, u she'riyatimizda bir necha avlod tarbiyasini o'z zimmasiga oldi. Shu ko'tarilish Shavkat Rahmon, Xurshid Davron, Muhammad Rahmon, Usmon Azim, Azim Suyun, Usmon Qochqor kabi yetakchi shoirlarimiz ijodidagina emas, o'sha davr misolida oladigan bolsak, poytaxtdan tortib viloyatlargacha to'ldin-to'ldin taralib, adabiy jarayonning muntazam oqim ravishida harakatlanishini korsatdi. Bugun yangi o'zanlar ochayotgan oqimning harakati o'sha yetmishinchi yillar ortalarida ko'tarilgan portana bilan tubdan bog'liq va bu bog'lanish ona tilimizning yaratuvchilik ruhiyati bilan borib Navoiy bobomiz va ungacha bo'lgan she'r lahjalari rivojiga borib taqaladi.

Shuning uchun ham bugun modern she'riyat deyilganda, qandaydir yot yoki chekka ta'sirlar, fikriy begonalik emas, biz ko'nikkan she'riyatimizning hali ko'nikmaganimiz jarayoni, qonuniy hosilasi deb tushunaman. Bu hosila o'ziga yo'l ochyapti, xolos va buni, har bir xayrli yangilikni kutib olgandek, qutlash kerak. Faxriyor, Abduvali Qutbiddin, Bahrom Ro'zimuhammad, Aziz Said, Xayrullo Fayz... men tengilarga yoshroq tuyuladigan bu shoirlar allaqachon o'z so'zi, o'z qarashlari bilan nafaqat tanilgan, balki o'zbek poetik tafakkuriga katta ta'sir otkazib kelayotgan katta iste'dodlar. Bularga fikrlovchi yangi avlodlar ergashadi. Hozir kitob savdosining patarot topgani, ommaviy matbuot nashrlarining adadi tushib



ketgani oqibatida bunday shoirlarimiz tarğiboti yoq darajada bo'lsa-da, adabiy jarayonning tub oqimlarida ular asosiy o'zanda, ularning kam bosilayotgani yo ular haqida juda kam gapirilayotgani she'riyat xazinasiga qo'shgan gavharlari qadrini pasaytirmaydi. Ma'lumlik bugun yoq, ertaga bor, indin yana qaytadi. Tabiiy, endi manzumalar ellik-yuz minglab nusxada bosilmaydi, bosilgani bilan buncha tarqalmaydi, endi kitob bilan birga uning o'quvchisi ham saralanadi, tabaqalanadi, kim yallayu madhu sanolarni o'qishga moyil bo'lsa, kim haralayu taralla bilan yashaydi, yuksak she'riyatni avom o'qimaydi, buning uchun uni avom didiga moslashtirish kerak. Yuksak she'riyatni, - oddiy aksioma, - yuksak, ya'ni didi, fikri yuksak odam o'qiydi, bunaqalar esa, turgan gap, o'zi kam bo'ladi. Izimizdan kelayotgan avlod yaratgan she'riyat shunday yuksaklikda, uni o'qish, uqish uchun kitobxon unga qarab balandlab bormo'gi, kuy-mulohazalarning azaliy qoidalarinri puxta gallab, Soz madaniyati, soz San'ati, ruh badiiyati talabi bilan o'z ishiga yondashmo'gi lozim;, har satrning yurak tepishidek tirik ohanglari bo'lsin, she'r tolibini o'ziga tortib turadigan. Ana shunda mening ham modern taassurotlarimda suvrat o'z sirlarini to'lig'icha yuz ochardimi - meni istab, o'ziga chorlab turibdimi, bekorga chaqirayotgani yoqdir, axir.